

CONVENIO DE COLABORACIÓN ENTRE O CONSELLO GALEGO DE RELACIÓNS LABORAIS E A UNIVERSIDADE DA CORUÑA PARA A REALIZACIÓN DA I EDICIÓN DO “CURSO DE FORMACIÓN EN NEGOCIACIÓN COLECTIVA E INDIVIDUAL NO ÁMBITO LABORAL”

MEMORIA XUSTIFICATIVA

O Consello Galego de Relacións Laborais, en xuntanza da Comisión Permanente de data 12 de marzo de 2020, acordou a realización da I edición do curso de formación en negociación colectiva e individual no ámbito laboral en colaboración coa Universidade da Coruña, co obxecto de afondar, analizar e estudar todas as cuestións relativas á negociación colectiva, capacitar ao alumnado para analizar en profundidade as condicións incluídas nos convenios colectivos e intervir eficazmente nos acordos. Trátase de fomentar a formación no eido da negociación laboral en toda a xeografía galega e, dadas as necesidades das persoas ás que está principalmente dirixido (cunha formación previa que xa están a traballar activamente), achegar o curso a quen teña interese.

O curso é proposto dende a colaboración de dúas institucións públicas- e tamén no seu desenvolvemento ao incorporar a docencia semipresencial ou en liña para facilitar a súa realización. O alumnado estudará as técnicas e ferramentas clásicas e máis novas de negociación; adquirirán conciencia sobre a negociación colectiva e o diálogo social institucional en Galicia e no Estado español; aprenderán a negociar desde fórmulas que persigan resultados baseados na ganancia das dúas partes, a partir da análise dos intereses existentes máis que das posicións concretas; e repararán na oportunidade que supón a negociación colectiva como ferramenta para a consecución do principio de non discriminación e igualdade por razón de xénero no ámbito das relacións laborais.

Diríxese o curso ás persoas responsables da interlocución social, ás que teñen responsabilidade en recursos humanos, xefaturas de relacións laborais, asesorías e demais axentes implicados na negociación e na xestión laboral da empresa, co obxectivo principal de dar resposta á demanda social que existe no territorio galego, así como a estudantes que rematen os seus estudos de Grao e desexen recibir unha formación especializada e de nivel sobre a negociación colectiva e individual no ámbito laboral.

Con este propósito formativo e fixándose en razóns de interese social e económico que permitan acadar acordos frutíferos para aumentar a produtividade do tecido empresarial galego, tense proposto pola Universidade da Coruña e o Consello Galego de Relacións Laborais este curso de formación en negociación colectiva e individual no ámbito das relacións laborais.

Sendo conscentes desta necesidade social, a Facultade de Dereito e a Facultade de Ciencias do Traballo da UDC veñen a propor a primeira edición deste curso que dirixirán eles mesmos como expertos na materia e coñecedores directos da demanda social existente ao respecto. Así, dirixirá o curso don Xosé Manuel Carril Vázquez, Profesor Titular de Dereito do Traballo e da Seguridade Social na Facultade de Dereito da UDC e a súa codirección e coordinación estará a cargo de don Iván Vizcaíno Ramos, Profesor Axudante doutor de Dereito do Traballo e da Seguridade Social na Facultade de Ciencias do Traballo, tamén da UDC.

En definitiva, polo antes dito, ao abeiro do disposto nos artigo 19.4.a) e 26 da Lei 9/2007, do 13 de xuño, de subvencións de Galicia e no artigo 37 do seu Regulamento, aprobado por Decreto 11/2009, do 8 de xaneiro, tendo en conta a importante demanda que existe no sector industrial galego e, de xeito concreto, no norte da Comunidade, considérase que a Universidade da Coruña, pola súa propia situación xeográfica e o fácil desprazamento desde todos os puntos de Galicia, supón a opción mais idónea para realizar este curso de formación que agora se propón.

Existe converxencia de intereses entre o Consello Galego de Relacións Laborais e a Universidade da Coruña en orde á consecución do obxecto referido, polo que se considera necesaria a subscripción dun convenio de colaboración para resolver a concesión directa dunha subvención a esa universidade, conforme ao disposto no artigo 19.4.a) da Lei 9/2007, do 13 de xuño, de subvencións de Galicia e no artigo 37 do seu Regulamento, aprobado por Decreto 11/2009, do 8 de xaneiro. O convenio axústase ao disposto no artigo 26. 2 da citada Lei de subvencións de Galicia e ten por obxecto establecer os compromisos aplicables e as condicións polas que se rexerá a colaboración entre as dúas entidades referidas para a realización do CURSO DE FORMACIÓN DE NEGOCIACIÓN COLECTIVA E INDIVIDUAL NO ÁMBITO LABORAL, que se desenvolverá desde o 16 de setembro ata o 20 de novembro de 2020, na Facultade de Dereito da Universidade da Coruña. O período de vixencia do convenio estenderase dende a súa data de sinatura ata o 30 de decembro de 2020.

O Consello Galego de Relacións Laborais contribuirá ao financiamento deste curso de formación mediante a achega á Universidade da Coruña da cantidade de catorce mil euros (14.000€), con cargo ao capítulo IV do seu orzamento para 2020, no que existe crédito necesario e suficiente na aplicación orzamentaria 09.B1.324A.44410, denominada “A Universidade da Coruña”, proxecto 2020/00002, denominado “Realización de accións formativas en materia laboral en colaboración coas universidades galegas”, segundo o seguinte detalle:

Aplicación orzamentaria	Denominación	Proxecto
09.B1.324A.44410	A Universidade da Coruña	2020/00002

Do importe total a transferir á UDC (14.000€), serán en concepto de subvención 13.400,00€, para o funcionamento do curso e a cantidade restante, por importe de 600,00€, contribuirá ao financiamento da matrícula de 20 persoas dos cadros empresariais e sindicais das organizacións que fan parte do Consello Galego de Relacións Laborais e abonaráselle á Universidade da Coruña unha vez rematado o prazo de matrícula, mediante transferencia desde a aplicación orzamentaria 09.B1.324A.444.10.

Santiago de Compostela, 15 de maio de 2020

María Luisa Peña Cebreiro

Secretaria xeral do Consello Galego de Relacións Laborais